



ქალაქ ფოთის მუნიციპალიტეტის საკრებულო

განკარგულება № 11/50

2021 წლის 32 ივნის

ქალაქი ფოთი

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის მიერ 2021 წლის გაწეული საქმიანობის ანგარიშის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, საკრებულოს განსაკუთრებულ უფლებამოსილებას განეკუთვნება მუნიციპალიტეტის აღმასრულებელი ორგანობის და თანამდებობის პირების საქმიანობის კონტროლი, მათი ანგარიშების მოსმენა და შეფასება.

აღნიშნულიდან გამომდინარე:

მუხლი1.

ცნობად იქნეს მიღებული ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის მიერ 2021 წლის გაწეული საქმიანობის ანგარიში. (ანგარიში თან ერთვის).


მუხლი2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქი ფოთის მუნიციპალიტეტი, დავით აღმაშენებლის ქუჩა №3)

მუხლი3.

განკარგულება ძალაშია ხელმოწერისთანავე.

საკრებულოს თავმჯდომარის
მოვალეობის შემსრულებელი,
თავმჯდომარის მოადგილე



აკაკი დარჯანია

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის 2021 წლის ანგარიში

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახური შედგება ოთხი განყოფილებისაგან: კულტურისა და ძეგლთა დაცვის, განათლების, სპორტისა და ახალგაზრდულ საქმეთა განყოფილებები.

2021 წლის სამსახურის დაზუსტებული ბიუჯეტი შეადგენს 276 700 ლარს, საკასო შესრულება დღეის მდგომარეობით კი შეადგენს 22 250 ლარი.

ქვეყანაში შექმნილი პანდემიიდან გამომდინარე ღონისძიებების ნაწილმა ონლაინ სივრცეში გადაინაცვლა. შეუფერხებლად განხორციელდა არაერთი საინტერესო ონლაინ პროექტი. მნიშვნელოვანი ყურადღება დაეთმო ქალაქ ფოთის მუნიციპალიტეტში მოღვაწე კულტურის, ხელოვნების განათლების მუშავების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდების და სკოლის წარჩინებულ მოსწავლეთა მატერიალური წახალისებას (ჯილდო) და წლის განმავლობაში წარმატებული სპორტსმენებისა და მათი მწვრთნელებისათვის პრემიალური ხარჯების (ჯილდო) საკითხებს.

ა) ქალაქ ფოთის მუნიციპალიტეტში მოღვაწე კულტურის, ხელოვნების განათლების მუშავების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდების და სკოლის წარჩინებულ მოსწავლეთა მატერიალური წახალისებას (ჯილდო) და წლის განმავლობაში წარმატებული სპორტსმენებისა და მათი მწვრთნელებისათვის პრემიალური ხარჯების (ჯილდო) -**6 900ლარი.**

ბ) საპატიო მოქალაქეთა დაჯილდოება- **4950 ლარი.**

გ) წლის განმავლობაში წარმატებული სპორტსმენებისა და მათი მწვრთნელებისათვის პრემიალური ხარჯები (ჯილდო) -**5 400 ლარი.**

დ) ვიქტორ კრატასიუკის სახელობის რეგატა კანოეთ და ბაიდარებით ნიჩბოსნობაში და ქალაქ ფოთის ღია პირველობა ომარ ბერაიას სახელობის თასზე აკადემიურ ნიჩბოსნობაში- **5 000 ლარი.**

კულტურისა და ძეგლთა დაცვის განყოფილება

14 იანვარი-ქართული თეატრის დღესთან დაკავშირებით ვალერიან გუნიას სახელობის სახელმწიფო პროფესიული თეატრის 7 მსახიობს ქალაქ ფოთის მუნიციპალიტეტში მოღვაწე კულტურის, ხელოვნების განათლების მუშავების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდების და სკოლის წარჩინებულ მოსწავლეთა მატერიალური წახალისების (ჯილდო) ფარგლებში გადაეცათ ფულადი ჯილდო და

მადლობის სიგელები. შემოქმედებითი კავშირი-საქართველოს თეატრალური საზოგადოების გადაწყვეტილებით კი მსახიობებს ამაგდარის წოდება მიენიჭათ.

1 მარტიდან -აპრილამდე - კულტურისა და ძეგლთა დაცვის განყოფილებამ განახორციელა ქალთა დღესასწაულებისადმი მიძღვნილი ონლაინ პროექტები: „მარტის პალიტრა“, „სუბიექტური ობიექტივით“ და „გზავნილი ბოთლში“. აღნიშნულ პროექტში მონაწილეობა მიიღო 50-მა ფოთელმა ფოტომოყვარულმა, თვითნასწავლმა ხელოვანმა და ემიგრანტმა ქალბატონებმა. პროექტის დასკვნითი ნაწილი ვერ განხორციელდა ქვეყანაში შექმნილი პანდემიის გამო.

18 მაისს ა(ა)იპ ფოთის სახელოვნებო სამხატვრო სასწავლებლის მიერ ჩატარდა კურსდამთავრებულების დიპლომის დაცვის ღონისძიება, კურსდამთავრებულებს გადაეცათ სერთიფიკატები.

25 მაისს კულტურისა და ძეგლთა დაცვის განყოფილებამ მოამზადა კულტურის განვითარების სტრადეგიის EU4Culture -ს განაცხადი და საქართველოდან ხუთ შერჩეულ ქალაქს შორის მოხვდა. კონკურსში მონაწილეობა მიიღო 70-მა ქალაქმა აღმოსავლეთ პარტნიორობის 5 ქვეყნიდან: აზერბაიჯანი, მოლდოვა, საქართველო, სომხეთი და უკრაინა. საქართველოდან კონკურსში მონაწილეობის სურვილი 11-მა ქალაქმა გამოთქვა. მიღებული განაცხადების სიღრმისეული შეფასების შემდეგ, EU4Culture-მ თითოეული ქვეყნიდან შერჩეული 5 ქალაქი გამოავლინა.

საქართველოდან კონკურსის შემდეგ ეტაპზე ფოთი, ზუგდიდი, ახალციხე, თელავი და ქუთაისი გამოვლინდნენ.

შერჩეულ ქალაქებს სრული საკონკურსო განაცხადის მოსამზადებლად 1000 ევრომდე გრანტი გადაეცემათ..

კონკურსის მომდევნო ეტაპზე თითოეული ქვეყნიდან მაქსიმუმ სამი ქალაქი მიიღებს 30,000 ევროს ოდენობის გრანტს კულტურის განვითარების სტრატეგიის სრული ვერსიის მოსამზადებლად. საბოლოოდ კი, თითოეულ ქვეყანაში ერთი ქალაქი მოიპოვებს 300,000 ევრომდე დაფინანსებას საკუთარი სტრატეგიის განსახორციელებლად. გრანტთან ერთად გამარჯვებული ქალაქები მიიღებენ მხარდაჭერას შესაძლებლობების გაძლიერების კუთხით.

აღნიშნული პროექტის სრული განაცხადის წარდგენა ჯერ დასრულებული არ არის შემდგომი ეტაპი უნდა განხორციელდეს სექტემბერში.

27-28 ივნისს სამსახურის ფინანსური მხარდაჭერითა და ა(ა) იპ ქალაქ ფოთის ფოლკლორის ცენტრის ორგანიზებით ჩატარდა „ქართული ხალხური სიმღერებისა და ცეკვის“ კონკურს - ფესტივალი. ამავე დღეს გაიხსნა ქორეოგრაფიული ანსამბლ „ლაზიკას“ ვარსკვლავი.

30 ივნისს, 2,9 ივლისს ქალაქის ცენტრში და მაღლთაყვის ზღვის სანაპიროზე ჩატარდა ა(ა) იპ ქალაქ ფოთის მუნიციპალიტეტის მოსწავლე -ახალგაზრდობის ცენტრთან არსებული საბავშო - საესტრადო სტუდიების კონცერტები. მოწვეულ იყო ანიმატორები და ზღაპრის გმირები.

9 ივლისს მაღლთაყვის ზღვის სანაპიროზე ფოლკლორის ცენტრის მიერ ჩატარდა ფოლკლორული კონცერტი.

14 ივლისს ა.ხორავას სახელობის სახელოვნებო სასწავლებლის დარბაზში, პროექტის „კლასიკური მუსიკის კონცერტები ალტერნატიულ სივრცეებში საქართველოს რეგიონებსა და დედაქალაქში“ ფარგლებში ღერძია - კონცერტი ჩატარდა.

კონცერტში მონაწილეობდნენ თბილისის ახალგაზრდული ორკესტრი (თაო, ხელმძღვანელები - მირიან ხუხუნაიშვილი, მიშა მდინარაძე).

პროექტში კი თბილისის ახალგაზრდული ორკესტრი („თაო“, ხელმძღვანელები - მირიან ხუხუნაიშვილი, მიშა მდინარაძე), სიმებიანი კვარტეტი „იბერი“ და თბილისის ქალთა გუნდი ომარ ბურდულის ხელმძღვანელობით.

მუსიკოს-შემსრულებლები საინტერესო ფორმით მოუთხრობდნენ ბავშვებს მუსიკაზე, მუსიკოსებზე, კომპოზიტორებზე, ეპოქაზე, ნაწარმოებებსა თუ ინსტრუმენტებზე. შეხვედრა შედგა ინტერაქტიულ, შემეცნებით-გასართობ ფორმატში, რეგულაციების სრული დაცვით ჩატარდება.

19 ივლისი - NALA-ს პროექტის „მწვანე ტურიზმი და ისტორიული მემკვიდრეობა“ ფარგლებში, იგეგმება ვირტუალური ტურების მომზადება ფოთის, ქობულეთისა და ლანჩხუთის მუნიციპალიტეტებისთვის. შედგა ვირტუალური ტურებისთვის შერჩეული ობიექტების გადაღებები გადაღებების დაწყებამდე ჩატარდა საინფორმაციო შეხვედრა, შეხვედრაში მონაწილეობას მიიღო სამივე მუნიციპალიტეტმა, ნიკო ნიკოლაძის კოშკში.

20 ივლისი- „Hobby Studio“ მიერ ვირტუალური გიდებისთვის ობიექტების გადაღებები და თანმხლები, საანოტაციო ინფორმაციის მომზადება- თანდართულ ფაილში ლოკაციებზე google map ლინკების მომზადება, დაკორექტირება, დამატება, ჯერ მოუნიშნავ ობიექტებზე, ინფორმაციის შექმნა და ლოკაციის პატამეტრების განსაზღვრა.

21 -23 ივლისი-კულტურის , სპორტისა და ახალგაზრდობის სამინისტროს მიერ გამოცხადებული კონკურსებისთვის განაცხადების მომზადება და კოორდინაცია: ფესტივალებისა და საერთაშორისო მასტერკლასების ხელშეწყობის მიზნით, ნიჭიერ ახალგაზრდა ხელოვანთა განათლების ხელშეწყობის მიზნით, ახალგაზრდებში არქეოლოგიის პოპულარიზაციის ხელშეწყობის მიზნით, სამუსიკო სასწავლებლებში ინსტრუმენტების განახლების მიზნით და სხვ.

19-23 ივლისი -საქართველოს კინემატოგრაფიის ეროვნული ცენტრისა და სსიპ „აწარმოე საქართველოში“-ს პროგრამის „გადაიღე საქართველოში“ კინოკომპანია „ვიდეოდრომის“ გადაღებებისთვის საინფორმაციო და საანოტაციო ბაზა მომზადდა.

30 ივლის კულტურისა და დასვენების პარკის გახსნათან დაკავშირებით მოწყო ადგილობრივი ხალხური რეწვის ნამუშევრებისა და ფოტო გამოფენა, გაიმართა ადგილობრივი საბავშვო - საესტრადო სტუდიების კონცერტი, პარკის გახსნაზე მოწვეულ იყო ანიმატორები და ზღაპრის გმირები.

1 აგვისტოს კულტურისა და დასვენების პარკში (ნიჟარა) ჩატარდა თოჯინური სპექტაკლი „კომბლე“ და ა(ა)იპ არჩილ ხორავას სახელობის სკოლისგარეშე სახელოვნებო სასწავლებელთან არსებული ბენდის „Voc-Aid“ კონცერტი.

8 აგვისტოს ჩატარდა 8 აგვისტოს რუსეთ - საქართველოს ომში დაღუპულთა ხსოვნისადმი მიძღვნილი ღონისძიება, ადგილობრივმა ხელისუფლებამ გვრგვინითა და ყვავილებით შეამკეს ობელისკი.

ქალაქ ფოთის მუნიციპალიტეტში მოღვაწე კულტურის, ხელოვნების განათლების მუშაკების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდების და სკოლის წარჩინებულ მოსწავლეთა მატერიალური წახალისების (ჯილდო) ფარგლებში დაჯილდოვდა **12 დამსახურებული მოღვაწე**.

საქართველოს კულტურის, სპორტისა და ახალგაზრდობის მინისტრის 2021 წლის 3 ივნისის „საქართველოს კულტურის, სპორტისა და ახალგაზრდობის სამინისტროს მიერ კულტურის სფეროში განსახორციელებელი ღონისძიებების/პროექტების ხელშეწყობის პირობების და დაფინანსების წესის

შესახებ” N7864 ბრძანების შესაბამისად ქალაქ ფოთის მუნიციპალიტეტიდან კულტურისა და ძეგლთა დაცვის განყოფილების ინიციატივითა და კოორდინირებით მომზადდა და გაიგზავნა საკონკურსო განაცხადებიშემდეგ კონკურსებზე:

1. კონკურსი „კერძო და მუნიციპალური სახელოვნებო საგანმანთლებლო სასწავლებლების პროექტების ხელშეწყობა“
2. „სამუსიკო სასწავლებლებში ინსტრუმენტების განახლება“
3. „ნიჭიერ ახალგაზრდა ხელოვანთა განათლების ხელშეწყობა“
4. „ფესტივალებისა და საერთაშორისო მასტერკლასების ხელშეწყობა“
5. „სახელოვნებო სკოლების/სასწავლებლების მუსიკალური პროექტების ხელშეწყობა“
6. „თვითმოქმედი ფოლკლორული ანსამბლების ხელშეწყობა.“
7. „ინკლუზიური სახელოვნებო პროექტების ხელშეწყობა“

ამ ეტაპზე გამარჯვებული პროექტებია:

- 1..„იმღერე ახალი”, განმახორციელებელი - ა(ა)იპ არჩილ ხორავას სახელობის ქალაქ ფოთის სკოლისგარეშე სახელოვნებო სასწავლებელი;
2. სამუსიკო სასწავლებლისთვის ინსტრუმენტების შეძენა-ა(ა)იპ არჩილ ხორავას სახელობის ქალაქ ფოთის სკოლისგარეშე სახელოვნებო სასწავლებელი;

პანდემიის გამო რამდენიმე კონკურსის შედეგების გამოცხადება გადავადდა და მოგვიანებით გახდება ცნობილი.

განათლების განყოფილება

განათლების განყოფილება გარკვეულ საქმიანობას წარმართავს სფეროში პრიორიტეტების განსაზღვრის, საგანმანათლებლო პროგრამების შემუშავების და განხორციელების მიმართულებით.

პანდემიის მიუხედავად, შენარჩუნებულ იქნა ქალაქის საგანმანათლებლო სექტორთან ურთიერთობის უწყვეტობა, ხელმისაწვდომობა. შეუფერხებლად განხორციელდა არაერთი საინტერესო ონლაინ პროექტი. მნიშვნელოვანი ყურადღება დაეთმო განსაკუთრებული ნიჭით დაჯილდოებული მოსწავლეების გამოვლენის, მხარდაჭერის და განვითარების, მასწავლებელთა წახალისების და სკოლამდელი სექტორის მხარდაჭერის საკითხებს.

განხორციელდა 8 საგანმანათლებლო პროექტი, სადაც ჩართული იყო 500-მდე მოსწავლე და 100-მდე მასწავლებელი.

განხორციელებულმა საქმიანობამ ხელი შეუწყო მოსწავლეთა ინტელექტუალური და შემოქმედებითი დონის ამაღლებას, დამოუკიდებელი აზროვნების, წარმოსახვის, ფანტაზიის და საკვლევ-საძიებო უნარების განვითარებას.

წარმატებულ მოსწავლეთა და მასწავლებელთა წარმოჩენის და ინიციატივების მხარდამჭერი პროგრამის ფარგლებში 2021 წელს სიგელებით, დიპლომებით და ფულადი ჯილდოთი დაჯილდოვდა 50-ზე მეტი მოსწავლე და მასწავლებელი.

8 თებერვალს გაიმართა 2020 წელს განხორციელებული ონლაინ საგანმანათლებლო პროექტებში მონაწილეთა დაჯილდოება, სადაც პროექტებში მონაწილე წარმატებული პედაგოგები და მოსწავლეები დაჯილდოვდნენ ქალაქ ფოთის მუნიციპალიტეტის სიგელებით.

1-15 თებერვალს განხორციელდა თსუ-საბავშვო უნივერსიტეტის და ქალაქ ფოთის მუნიციპალიტეტის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ერთობლივი პროექტი- ესეების კონკურსი- „გაზაფხულმა დამიზამთრა სამუდამოდ მაისი!“, რომელიც საბჭოთა ოკუპაციის დღეს მიემდვნა. კონკურსში ჩართული იყო 70-მდე მოსწავლე. თსუ-საბავშვო უნივერსიტეტის საორგანიზაციო ჯგუფმა შეაფასა საკონკურსო ესეები და გამოავლინა საუკეთესო ავტორები. გამარჯვებულ მოსწავლეებს და მათ მასწავლებლებს გადაეცათ დიპლომები.

19 მარტიდან 14 აპრილის ჩათვლით ქართული კულტურის მნიშვნელოვანი მონაპოვრის - ქართული დამწერლობის და ქართული კალიგრაფიის - პოპულარიზაციის, ხელით წერით კულტურის განვითარების და მოსწავლე ახალგაზრდობის და სხვა დაინტერესებულ პირთა შემოქმედებითი უნარის წარმოჩენის მიზნით ჩატარდა კონკურსი „საუკეთესი კალიგრაფი“.

14 აპრილს მოეწყო კონკურსში მონაწილეთა ონლაინ გამოფენა- „ქართული ანბანის ხილული ზეიმი.

1 აპრილიდან 1 მაისის ჩათვლით ორგანიზაცია გაუკეთდა კორნელი კეკელიძის სახელობის ხელნაწერთა ეროვნული ცენტრის მიერ ინიცირებულ ორ კონკურსს: „ჩემი დიდგორი“ და „გახდი დიდგორის მემატიანე“, რომელიც დიდგორის ბრძოლის 900 წლისთავს მიეძღვნა. მოსწავლეებმა, მათი ფანტაზით და განსხვავებული ტექნიკით, ფერწერა, გრაფიკა, ქანდაკება, გამოყენებითი ხელოვნება, ინსტალაცია, კოლაჟი, ციფრული ხელოვნება ანუ კომპიუტერული გრაფიკა, ე.წ. ქორელი, ილუსტრატორი და სხვ. გააცოცხლეს დიდგორის ბრძოლა, ასევე, შეარჩიეს რეკომენდირებული ისტორიული წყაროებიდან ერთ-ერთი და გადაწერეს კალიგრაფიული ხელოვნების გამოყენებით. კონკურსებში მონაწილეობა მიიღო-80-მდე მოსწავლემ და 15 მასწავლებელმა.

1 მაისიდან 30 მაისის ჩათვლით ქალაქის საჯარო და კერძო სკოლების მოსწავლეები ჩაბმულ იქნა თსუ-საბავშვო უნივერსიტეტის მოსწავლეთა ესეების კონკურსში, რომელიც მიეძღვნა 26 მაისს, საქართველოს დამოუკიდებლობის დღეს. კონკურსის საორგანიზაციო ჯგუფს გადაეგზავნა 17 მოსწავლის საუკეთესო ნაშრომი, კონფერენციაზე საუკეთესო პრეზენტაციონად აღიარებულ იქნა ერთი ნამუშევარი, გამარჯვებულ ესეს ავტორს გადაეცა უნივერსიტეტის დიპლომი, ხოლო მონაწილეებს სერტიფიკატები.

25 ივნისს ქალაქ ფოთის მუნიციპალიტეტის ნიკო ნიკოლაძის სახელობის სხდომათა დარბაზში 2020-2021 წლის საუკეთესო კურსდამთავრებულთა (ოქროსა და ვერცხლის მედალოსნები) დაჯილდოება გაიმართა.

29 ივნისს ქალაქ ფოთის ცენტრალურ ბიბლიოთეკაში მოეწყო კორნელი კეკელიძის სახელობის ხელნაწერთა ეროვნული ცენტრის და ქალაქ ფოთის მუნიციპალიტეტის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის პროექტების „ჩემი დიდგორი“, „მე დიდგორის მემატიანე“ და „საუკეთესო კალიგრაფი“ პრეზენტაცია და გამარჯვებულთა დაჯილდოება.

შეხვედრას ესწრებოდნენ კორნელი კეკელიძის სახელობის ეროვნული ცენტრის, ადგილობრივი თვითმმართველობის, საგანმანათლებლო რესურსცენტრის, საჯარო და კერძო სკოლების წარმომადგენლები.

8 ივლისს შედგა შეხვედრა 2021 წლის იანვარ-ივნისში საქალაქო ონლაინ პროექტებში ჩართულ მუშა ჯგუფის წევრებთან, სადაც გაიმართა განათლების განყოფილების მიერ ინიცირებული ონლაინ საგანმანათლებლო პროექტების პრეზენტაცია. აღინიშნა ქალაქის მოსწავლე-ახალგაზრდობის და მასწავლებლების ჩართულობის მაღალი დონე. მნიშვნელოვანი ყურადღება დაეთმო საქალაქო კონკურსებში თსუ- საბავშვო უნივერსიტეტის პროფესორ-მასწავლებლების, კორნელი კეკელიძის სახელობის ხელნაწერთა ეროვნული ცენტრის მეცნიერ-თანამშრომელთა

აქტიურ მონაწილეობას და ადგილობრივი თვითმმართველობის მიერ ნიჭიერ ბავშვთა და წარმატებულ პედაგოგთა მხარდაჭერის პროგრამის მიმართულებით განხორციელებულ საკითხებს. დაისახა მომავალი სასწავლო წლის სამოქმედო გეგმები და ახალი პროექტები. ქალაქ ფოთის მუნიციპალიტეტში მოღვაწე კულტურის, ხელოვნების განათლების მუშაკების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდების და სკოლის წარჩინებულ მოსწავლეთა მატერიალური წახალისების (ჯილდო) ფარგლებში დაჯილდოვდა **15 წარჩინებული კურსდამთავრებული და მოსწავლე**.

სპორტის განყოფილება

კოვიდ 19 პანდემიიდან გამომდინარე უკიდურესად გართულდა დაგეგმილი საკითხების მართვა და ორგანიზება, სპორტულმა ღონისძიებებმა ონლაინ სივრცეში გადმოინაცვლა. სულ ჩატარდა 11 ღონისძიება, სადაც მონაწილეობდა-1000 მონაწილე.

თებერვალ-მარტის თვეში საქართველოს ბავშვთა და სასკოლო სპორტის ეროვნული ფედერაციის მიერ ინიცირებულ ონლაინ პროექტებში აქტიურად იქნა ჩართული ქალაქის საჯარო და კერძო სკოლების მოსწავლეები და პედაგოგები.

პროექტი- „ივარჯიშე ჩემთან ერთად ჩემნაირად, უკეთესად“ მონაწილეობდა დაწყებითი კლასების 15 პედაგოგი და 80 მოსწავლე.

პროექტი- „ივარჯიშე სახლში“ მონაწილეობა მიიღო სასკოლო სპორტულ ოლიმპიადებში მონაწილე სკოლების 100 მოსწავლემ.

შემეცნებითი პროექტი- „გაავრცელე ქართული სპორტის ისტორია“ რომლის მიზანი იყო, მოზარდი თაობის სპორტით დაინტერესება, სპორტის ისტორიის კვლევა-ძიება და ცოდნის გაღრმავება, მოსწავლეებისა და მასწავლებლების შემეცნებით აქტივობებში ჩართვა. მონაწილეობდა 60 მოსწავლე და 12 მასწავლებელი. საუკეთესო ვიდეოგამოწვევების ავტორები დაჯილდოვდნენ ონლაინ დიპლომებით, რომლებიც გადაეცემათ ახალი სასწავლო წელს.

2-აპრილს გაიმართა ვეტერანი ფეხბურთელის ღოღო ხოფერიას 100 წლისთავისადმი მიძღვნილი ოთხთა ტურნირი ფეხბურთში ჭაბუკთა შორის, სადაც მონაწილეობა მიიღო: ქალქ ფოთის ფეხბურთელთა სასპორტო სკოლის ოთხმა ასაკობრივმა გუნდმა. სულ 60-მა მონაწილემ.

6-8 აპრილს ქვეყანაში არსებული რეგულაციების დაცვით ქალაქის სპორტსმენები და მწვრთნელები აქტიურად ჩაერთვნენ „თეთრი ბარათის-WhiteCard“ კამპანიაში და აღნიშნეს სპორტის დღე. ინიციატივა მიმართული იყო მსოფლიოში სპორტის საშუალებით მშვიდობის დამკვიდრებისა და განვითარებისათვის. ჩატარდა ვარჯიშები სპორტული აქტივობები ჭიდაობაში, ჭადრაკში, კალათბურთში, კრიკეტი, რაგბისა, ნიჩბოსნობაში და უშუ კუნფუში.

14-18 აპრილს საქართველოს კრივის ეროვნული ფედერაციის კალენდარული გეგმის მიხედვით ქალაქმა განახლებულ ხელბურთის სპორტულ დარბაზში უმასპინძლა საქართველოს ჩემპიონატს მოსწავლე მოკრივეთა შორის. ღონისძიებაში მონაწილეობდა საქართველოს 23 ქალაქის მოკრივეთა ნაკრებმა გუნდებმა.

ფოთელმა მოკრივეებმა სხვადასხვა წონით კატეგორიებში მოიპოვეს ექვსი პირველი, ერთი მეორე და ორი მესამე ადგილი.

17-18 აპრილს ჩატარდა კანოე და ბაიდარებით ნიჩბოსნობაში, სადაც მონაწილეობა მიიღეს თბილისის, ბათუმის, ქუთაისის, რუსთავის, მცხეთის, დუშეთის და ფოთის სპორტსმენთა ნაკრებმა გუნდებმა. პირველობა ჩატარდა 200-500 და 1000 -მეტრ დისტანციაზე გაცურვაში. ფოთელმა ნიჩბოსნებმა მოიპოვეს ორი-I, სამი-II და ერთი-III ადგილი.

22-23 მაისს ევროპის სპორტის კვირეულისადმი მიძღვნილ ღონისძიებათა ციკლის ფარგლებში განხორციელდა საქართველოს „ძალისხმიერი ფიტნესის ეროვნული ფედერაციის“ და ეროვნული ასოციაცია-„აქტიური საქართველო“-ს პროექტი, ჩატარდა ქალაქის ფოთის პირველობა „ბაგირის გადამალვაში.“

მონაწილობდნენ: კანოეთა და ბაიდარკების, აკადემიური ნიჩბოსნობის, კრივის, ფეხბურთის, ჭიდაობის, კალათბურთის სასპორტო სკოლები, კალათბურთელთა გუნდი „ირაო“ და ხელბურთელთა გუნდი „ოქროს ვერძი.“ სულ 64 მოზარდი.

ასპარეზობაში გამარჯვება მოიპოვეს „ოქროს ვერძის“ სპორტსმენებმა.

12-15 ივნისს ფეხბურთის ცენტრის სტადიონზე ჩატარდა ქალაქის პირველობა სამოყვარულო ფეხბურთში, სადაც მონაწილეობა მიიღო ფოთის ოთხივე მუნიციპალიტეტის 6-მა სამოყვარულო გუნდმა. მონაწილეობდა 108 ფეხბურთელი. გაიმარჯვა და მოყვარულთა თასი-2021 წლის რეგიონალურ პირველობაზე მონაწილეობის უფლება მოიპოვა ნაბადის მუნიციპალიტეტის ფეხბურთელთა გუნდმა „ნაბადა“, რომელიც ამჯერად წარმატებით ასპარეზობს რეგიონალურ შეჯიბრებაზე.

4-9 ივლისს ქალაქ ფოთის ცენტრალურ სტადიონზე გაიმართა „შავი ზღვის საფეხბურთო ფესტივალი 2021.“ 2009-2012 წელს დაბადებულ ჭაბუკთა შორის, სადაც მონაწილეობა მიიღეს თბილისის, გლდანის, მარტვილის საფეხბურთო აკადემიის, სამტრედისა და ფოთის საფეხბურთო სკოლის გუნდებმა. სულ მონაწილეობა მიიღო 120 ჭაბუკმა ფეხბურთელმა.

ასაკობრივ ჯგუფებში საპრიზო ადგილები დაიკავეს ფოთის ფეხბურთელთა გუნდებმა. 2009-2010 წლებში დაბადებულ ჭაბუკთა შორის პირველი ადგილი, ხოლო 2011-2012 წლებში დაბადებულთა შორის მეორე ადგილი.

17-18 ივლისს მდინარე კაპარჭაზე და რიონზე გაიმართა ოლიმპიურ ჩემპიონ ვიქტორ კრატასიუკის სახელობის რეგატა საბაიდარო და კანოეთ ნიჩბოსნობაში და ომარ ბერაიას სახელობის რეგატა აკადემიურ ნიჩბოსნობაში.

მონაწილეობდნენ: თბილისის, ქუთაისის, ბათუმისი, მცხეთის, რუსთავის, დუშეთის და ფოთის ნიჩბოსანთა გუნდები. სულ -140 ნიჩბოსანი. გასურვები გაიმართა 200, 500. და 1000მ დისტანციაზე ფოთელმა ნიჩბოსნებმა მოიპოვეს 11 პირველი, 5 მეორე და 6 მესამე ადგილები.

7 -9 აგვისტოს მალთაყვის პლაჟზე ჩატარდა ქალაქის პირველობა პლაჟის ფრენბურთში, სადაც მონაწილეობა მიიღო ქალაქის მუნიციპალიტეტის 8 გუნდმა.

გამარჯვებული გუნდებს გადეცათ ფულადი ჯილდოები: 1 ადგილი-800ლარი,

2 ადგილი-500 ლარი, 3 ადგილი 300 ლარი, გამარჯვებულები ასევე დაჯილდოვდნენ ასევე მედლებითა და დიპლომებით.

წლის განმავლობაში წარმატებული სპორტსმენებისა და მათი მწვრთნელებისათვის პრემიალური ხარჯების (ჯილდო) ფარგლებში დაჯილდოვდა **5 სპორტსმენი და მწვრთელი და ხელბურთის გუნდი „ოქროს ვერძი“**.

ახალგაზრდობის საქმეთა განყოფილება

14 იანვარს საქართველოს სახელმწიფო დროშის დღესთან დაკავშირებით ქალაქ ფოთის მუნიციპალიტეტის ტერიტორიებზე (ნიკო ნიკოლაძის კოშკი, აღმაშენებლის ქუჩა, რუსთაველის რვალი) სიმბოლურად გამოიფინა საქართველოს დროშები.

14 იანვარს ქართულის თეატრის დღესთან დაკავშირებით ქალაქ ფოთის ადგილობრივმა ხელისუფლებამ, ყვავილებით შეამკო ქართველი მსახიობის, რეჟისორის, დრამატურგისა და კრიტიკოსის, ვალერიან გუნიას ბიუსტი და ქართული თეატრისა და კინოს დიდი მსახიობის გურამ ფირცხალავას ახალაღდგენილი ბიუსტი.

28 იანვარს- საკრებულოს სხდომაზე დამტკიცდა ორი ფოთელი კოლორიტის მემორიალური დაფის განთავსების საკითხი: ქალაქ ფოთის წინაშე განსაკუთრებული ღვაწლის მქონე, გამორჩეული საზოგადო მოღვაწის, ქვეყნისა და ერის წინაშე დიდი დამსახურების მქონე - ქალბატონ ფოთოლა ქაჯაიას სახელის უკვდავსაყოფად, მოსწავლე-ახალგაზრდობის შემოქმედებითი ცენტრის შენობის ფასადზე მემორიალური დაფის განთავსება.

საქართველოს სპორტის დამსახურებული მოღვაწის, სამეგრელოს კალათბურთის პრეზიდენტის ბატონი როლანდ გარუჩავას საკალათბურთე დარბაზის ფასადზე მემორიალური დაფის განთავსება.

19 თებერვალს ქალაქ ფოთში, ნიკო ნიკოლაძის კოშკის საკონფერენციო დარბაზში პროექტი “ნიკო ნიკოლაძე და ქალაქი ფოთი”-ს დასკვნითი ნაწილის წარდგენა გაიმართა.ღონისძიებაზე მოეწყო წიგნის “ფაზისიდან ფოთამდე” პრეზენტაცია, რომელიც ფონდის დაფინანსებით დაიბეჭდა და ყველა ფოთელ პირველკლასელს გადაეცა საჩუქრად. ნიკო ნიკოლაძის საზოგადეოებამ, რომელიც ამ პროექტის მხარდამჭერია - საზოგადოების მხარდაჭერისთვის და საგანმანათლებლო საქმეში შეტანილი წვლილისთვის ნიკო ნიკოლაძის 175 წლისთავისათვის მიძღვნილი საიუბილეო მედლით დააჯილდოვა ქალაქ ფოთის რესურს ცენტრის დირექტორი გოჩა ქორქია.

პროექტი დაფინანსებულია ევროკავშირის მიერ და ხორციელდება „გერონტი (ჯუკა) კუხალეიშვილის ფონდის“ მიერ პროექტის „საზოგადოების ჩართულობაზე ორიენტირებული თვითმმართველობის განხორციელება ქალაქ ფოთსა და აბაშის მუნიციპალიტეტებში“ ფარგლებში გაცემული ქვეგრანტის სახსრებით.

19 თებერვალს ქალაქ ფოთის მუნიციპალიტეტის ნიკო ნიკოლაძის სახელობის სხდომათა დარბაზში, ახალგაზრდობის სააგენტოს მიერ გამოცხადებული ახალგაზრდული საგრანტო კონკურსთან დაკავშირებით, ონლაინ საინფორმაციო შეხვედრა გაიმართა, სადაც „განვითარების ფონდის ხელმძღვანელმა“ სალომე შაქარაშვილმა ახალგაზრდებს კონკურსის პირობები დეტალურად გააცნო. დაიგეგმა შემდეგი შეხვედრები და საქმიანი ურთიერთობები.

9 აპრილს 1989 წლის 9 აპრილის ტრაგედიიდან 32 წელი გავიდა. ქალაქ ფოთის მუნიციპალიტეტის მერმა გოჩა კურდღელიამ, საკრებულოს თავმჯდომარე ბექა ვაჭარაძემ, მერის მოადგილეებმა და საკრებულოს წევრებმა გვირგვინითა და ყვავილებით შეამკეს 9 აპრილს დაღუპულთა მემორიალი. განყოფილების ინიციატივით და მხარდაჭერით ფოთის ახალგაზრდა მოხალისეებმა ადგილობრივ ხელისუფლებასთან ერთად 9 აპრილის მემორიალის მიმდებარე ტერიტორიაზე სიმბოლურად 21 ძირი ვერცხლისფერი ცინერეა დარგო.

15 პრილს საქართველოს საგარეო საქმეთა სამინისტროს ნატოსა და ევროკავშირის შესახებ საინფორმაციო ცენტრის ორგანიზებით, მერიებისა და საკრებულოს წარმომადგენლებისთვის ევროატლანტიკური ინტეგრაციის საკითხებზე ონლაინ სემინარი გაიმართა. სემინარზე მონაწილეებს მისასალმებელი სიტყვით მიმართა საინფორმაციო ცენტრის დირექტორის მოდგილებმ ირინა შამილაძემ და ცენტრის საქმიანობასა და მიმდინარე პროექტებზე ისაუბრა. მთელი საქართველოს მასშტაბით 70-მდე მერიისა და საკრებულოს წარმომადგენელს, საქართველოს უსაფრთხოებისა და განვითარების ცენტრის (GCSD) გამგეობის თავმჯდომარებ ლევან დოლიძემ, ნატო-საქართველოს თანამშრომლობაზე, არსებულ გამოწვევებსა და პერსპექტივებზე მიაწოდა ინფორმაცია. ყურადღება გამახვილდა წლიური ეროვნული პროგრამისა (ANP) და წვრთნისა და შეფასების ერთობლივი ცენტრის (JTEC) მნიშვნელობასა და ფუნქციაზე. ასევე, მომხსენებლმა ხაზი გაუსვა სამშვიდობო მისიებში საქართველოს მონაწილეობასა და შავი ზღვის უსაფრთხოების მიმართულებით ალიანსთან თანამშრომლობას.

საემინარი ამერიკის შეერთებული შტატების სახელმწიფო დეპარტამენტის მიერ დაფინანსებული პროექტის „ინფორმირებულობისა და ჩართულობის გაზრდა საქართველოს რეგიონებში“ ფარგლებში გაიმართა, რომელსაც საინფორმაციო ცენტრი ნატოსა და ევროკავშირის შესახებ, საქართველოში აშშ-ს საელჩოსთან ერთად ახორციელებს.

15 პრილს მხატვრული ფილმის „მეგრული დეიოფები“ გადაღებასთან დაკავშირებით დიდების მემორიალთათ ფლეშმობის ჩასაწერი ღონისძიება გაიმართა. ფლეშმობში მონაწილეობა მიიღო ქალაქ ფოთის ქორეოგრაფიული ანსამბლებმა. ვიდეომასალა განთავსდა ინტერნეტსივრცეში.

23 პრილს ქალაქ ფოთის მუნიციპალიტეტში, 9 აპრილის ხეივანი N13ა-ში მდებარე კალათბურთის დარბაზის შენობის ფასადზე საქართველოს სპორტის დამსახურებული მოღვაწის, სპორტის ოსტატის, საკალათბურთო კლუბ „დინამო“-ს ვეტერანი კალათბურთელის, სამეგრელოს კალათბურთის ფედერაციის პრეზიდენტის როლანდ გარუჩავას მემორიალური დაფის განთავსების ცერემონიალი გაიმართა. ღონისძიების ფარგლებში მოეწყო ფილმის "თამაშზე მეტი" ჩვენება და ფოტო გამოფენა როლანდ გარუჩავას ცხოვრებასა და მოღვაწეობას ასახავდა.

9 მაისს ფაშიზმზე გამარჯვების 76-ე წლისთავთან დაკავშირებით ადგილობრივმა ხელისუფლებამ დიდების მემორიალი გვირგვინითა და ყვავილებით შეამკეს. ფოთის საკათედრო ტაძრში, მეორე მსოფლიო ომში დაღუპულთა სულის მოსახსენებელი პანაშვიდი ფოთისა და ხობის ეპარქიის მიტროპოლიტმა, მეუფე გრიგოლმა აღავლინა.

9 მაისს საკათედრო ტაძრის სამრევლო დარბაზში საკათედრო ტაძრის კურთხევისა და ქალაქის დღე აღინიშნა. კვირაცხოვლობის დღესასწაულზე, ფოთის საკათედრო ტაძრის კურთხევის დღეს, ტრადიციის თანახმად ფოთში მეოთხე წელია ქალაქის დღე აღინიშნება. კვირაცხოვლობის საზეიმო წირვა ფოთის საკათედრო ტაძარში ფოთისა და ხობის მიტროპოლიტმა მეუფე გრიგოლმა აღავლინა.

ქალაქ ფოთის მერმა გოჩა კურდღელიამ, ახალი კორონავირუსის წინააღმდეგ ბრძოლაში შეტანილი განსაკუთრებული წვლილისათვის, ქალაქ ფოთის მუნიციპალიტეტის საპატიო მოქალაქის წოდება მიანიჭა საგანგებო სიტუაციების კოორდინაციისა და გადაუდებელი დახმარების ფოთის ცენტრის მენეჯერს კესო გელენიძესა და ა(ა)იპ თვითმმართველი ქალაქ ფოთის საზოგადოებრივი ჯანდაცვის ცენტრის დირექტორის მოადგილეს უქიმ -ეპიდემიოლოგს **ზინაიდა გაგუას**.

ფოთის განვითარების საქმეში შეტანილი განსაკუთრებული წვლილისთვის, პრემია „ფაზისი“ გადაეცა ფოთისა და ხობის მიტროპოლიტს, მეუფე გრიგოლს. პრემია გერონტი (ჯუკა) კუხალეიშვილის ფონდის მიერ წელს დაწესდა და იგი ქალაქის აღმშენებლობის საქმეში გაწეული საქმიანობისთვის გადაეცემათ. მიტროპოლიტი გრიგოლი პრემიის პირველი ნომინანტია.

სიგელების გადაცემა საკათედრო ტაძრის სამრევლო დარბაზში შედგა.

9 მაისს „ქალაქის დღის“ პროგრამის გათვალისწინებით ქალაქ ფოთის მუნიციპალიტეტის ა(ა)იპ საბიბლიოოთეკო გაერთიანების სამკითხველო დარბაზს ქართველი კლასიკოსი მწერლის გურამ დოჩანაშვილის სახელი მიენიჭა. გამოჩენილი ქართველი მწერალი გურამ დოჩანაშვილი ლიტერატურული შემოქმედებისათვის დაჯილდოებული იყო ვაჟა ფშაველას სახელობის პრემიით, ხოლო ლიტერატურის განვითარებაში შეტანილი წვლილისთვის მწერალს ლიტერატურული პრემია „საბა“ გადაეცა.

გურამ დოჩანაშვილი ქალაქ ფოთის მუნიციპალიტეტის საპატიო მოქალაქის წოდება 2019 წელს მიენიჭა.

საზეიმო ცერემონიალს ქალაქ ფოთის მერი გოჩა კურდღელია, საკრებულოს თავმჯდომარე ბექა ვაჭარაძე, ფოთის და ხობის მიტროპოლიტი გრიგოლი დაესწრნენ.

პატივი მიაგეს დურამ დოჩანაშვილის ხსოვნას, ხოლო ამონარიდები მწერლის შემოქმედებიდან საბიბლიოოთეკო გაერთიანებასთან არსებული ლიტერატურული სალონის „გულის სამელნე“ მოსწავლეებმა წაიკითხეს.

19 მაისს საქართველოს კომპიუტერული სპორტის ფედერაციასა და ქალაქ ფოთის მუნიციპალიტეტს შორის ურთიერთთანამშრომლობის მემორანდუმი გაფორმდა. მემორანდუმი მიზნად ისახავს სამეცნიერო ზემო-სვანეთში კიბერ სპორტული საქმიანობის განვითარებაზე მიმართული ერთობლივი პროგრამების დაგეგმვას, განხორციელებას და ამ სფეროში დაინტერესებული ნებისმიერი პირისათვის შესაბამისი კონსულტაციის ხელმისაწვდომობას. შეხვედრაზე მომავალი თანამშრომლობის გეგმები დაისახა.

20-21 მაისს ახალგაზრდობის სააგენტომ მუნიციპალიტეტებში დაიწყო „მუნიციპალური ახალგაზრდობის პოლიტიკის“ რეფორმა. „მუნიციპალური ახალგაზრდობის პოლიტიკის“ რეფორმა გულისხმობს ახალგაზრდული სამსახურების გაძლიერებას, ადამიანური რესურსის გადამზადებას, ახალგაზრდული საჭიროებების შესწავლასა და მასზე დაფუძნებით სტრატეგიული დოკუმენტებისა და სამოქმედო გეგმების შექმნას. ახალგაზრდული პოლიტიკის გატარების, გაძლიერებისა და ეფექტური მართვის მიზნით, ქალაქ ფოთის მუნიციპალიტეტის მერიას, ახალგაზრდობის სააგენტოსა და ა(ა)იპ „კავშირი მშვიდობისა და განვითარების აკადემიას“ შორის ახალგაზრდული პოლიტიკის რეფორმის ფარგლებში გაფორმდა ურთიერთთანამშრომლობის მემორანდუმი. სხვადასხვა ეტაპების გავლის შედგომ ჩატარდა ონლაინ გამოკვლევები სხვადასხვა ფოკუს ჯგუფებთან (14-17 წწ., 18-22 წწ., 23-25 წწ.). კვლევას აწარმოებდა ახალგაზრდული სააგენტოს მიერ მოწვეული ექსპერტები. კვლევის შედეგად გამოვლინდა თუ რა გამოწვევების წინაშე დგას დღეს ფოთელი ახალგაზრდობა. სწორედ ეს კვლევა საფუძვლად დაედება მუნიციპალური ახალგაზრდული პოლიტიკის დოკუმენტისა და სამოქმედო გეგმის შექმნას ქალაქ ფოთში. 20-21 მაისს გაიმართა სამუშაო ჯგუფის შეხვედრა.

შეხვედრაზე განხილულ იქნა ეკოსისტემის მშენებლობის პროცესში გადადგმული ნაბიჯები, მათ შორის ახალგაზრდობის საჭიროებების კვლევა, რომელსაც ეფუძნება ადგილზე ახალგაზრდული სტრატეგიის დოკუმენტი.

შეხვედრა სტრატეგიის დოკუმენტზე სამუშაო სესიებით გაგრძელდა, რომელსაც მოწვეული ექსპერტი რატი ჭიშვილი წარუმდვა.

სამუშაო ჯგუფში მონაწილეობდა ახალგაზრდული სააგენტოს, ადგილობრივი ხელისუფლების, ეიპიემ ტერმინალის, ფოთის საზღვაო სასწავლო ცენტრის, განათლების რესურსცენტრის, სპორტისა და ტურიზმის ცენტრის, საბიბლიოთეკო გაერთიანების, მოსწავლე ახალგაზრდობის შემოქმედებითი ცენტრის, არასამთავრობო ორგანიზაციების, კოლხეთის ეროვნული პარკის წარმომადგენლები და ახალგაზრდები.

26 მაისს საქართველოს დამოუკიდებლობის დღესთან დაკავშირებით ქალაქ ფოთის მუნიციპალიტეტის ტერიტორიებზე (ნიკო ნიკოლაძის კოშკი, აღმაშენებლის ქუჩა, რუსთაველის რკალი, ქალაქის ხიდები, ცენტრალური პარკის ირგვლივ) სიმბოლურად გამოიფინა სამინისტროს მიერ გადმოცემული საქართველოს დროშები და ბანერები.

26 მაისს არასამთავრობო ორგანიზაცია „ჰელფინგ ჰენდისა“ და ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ურთიერთთანამშრომლობით ფოთელ ახალგაზრდებთან გაიმართა საინფორმაციო შეხვედრა.

შეხვედრაზე საუბარი შეეხო პანდემიის დროს პირადი დაცვის საშუალებების სწორად და მიზნობრივად გამოყენების მნიშვნელობას, ჰიგიენის დაცვის აუცილებლობას და COVID- 19 პანდემიის წინააღმდეგ გასატარებელ პრევენციულ ღონისძიებებს.

მუნიციპალიტეტში მცხოვრებმა ახალგაზრდებმა ასევე, მიიღეს ინფორმაცია, თუ რამდენად მნიშვნელოვანია თითოეული მოქალაქის პასუხისმგებლობა და რეკომენდაციების დაცვა დაავადებათა გავრცელების აღმოსაფხვრელად.

პროექტის - „ახალგაზრდების ჩართულობა ჰიგიენის ხელშეწყობისათვის კორონავირუსის პანდემიის წინააღმდეგ“ მიზანია, პანდემიის პირობებში, ჰიგიენისა და სანიტარული ნორმების დაცვასთან დაკავშირებით, ცნობადობის ამაღლება მოზარდებსა და ახალგაზრდებში; ქვეყანაში ჯანსაღი ცხოვრების წესის დამკვიდრების ხელშეწყობა და პოპულარიზაცია.

შეხვედრაში მონაწილე ადგილობრივ ახალგაზრდებს ასევე გადაეცათ პირველადი ჰიგიენის მოხმარების სასაჩუქრე ნაკრები.

არასამთავრობო ორგანიზაცია „ჰელფინგ ჰენდი“ უკვე 10 წელზე მეტია მოზარდებისა და ახალგაზრდებისათვის ახდენს მოხალისეობის პოპულარიზაციას, შესაბამისი პროგრამების დაწერვას, მართავს საგანმანათლებო და კულტურულ ღონისძიებებს, აქტიურად ახორციელებს სოციალურ და მოხალისეობრივ პროექტებს.

პროექტი გაეროს ბავშვთა ფონდის (UNICEF) და USAID-ის მხარდაჭერით ხორციელდება.

პირველი ივნისს ბავშვთა საერთაშორისო დღესთან დაკავშირებით ნიკო ნიკოლაძის კოშკში მოეწყო საგანმანათლებლო-შემეცნებითი ტური პატარებისთვის. მათ ქონდათ შესაძლებლობა გაცნობოდნენ ჩვენი ქალაქის და ნიკო ნიკოლაძის ისტორიას.

პირველკლასელებს ტურთან ერთად დაურიგდათ სპეციალურად მათთვის გამოცემული წიგნი „ფაზისიდან ფოთამდე“, წიგნი გამოიცა ნიკო ნიკოლაძის საზოგადოებისა და გერონტი (ჯუკა) კუხალეიშვილის ფონდის მიერ ევროკავშირის პროექტის „საზოგადოების ჩართულობაზე ორიენტირებული თვითმმართველობის განხორციელება ქალაქ ფოთსა და აბაშის მუნიციპალიტეტებში“ ქვეგრანტების კონკურსში გამარჯვებული პროექტების ფარგლებში.

ბავშვთა დაცვის დღესთან დაკავშირებით საბიბლიოთეკო გაერთიანებასთან არსებული ლიტერატურული სალონის „გულის სამელნე“ წევრებმა არტ- სივრცეში წარმოადგინეს ლიტერატურულ-მუსიკალური კომპოზიცია „საქართველოში იბადებოდნენ“.

ბიბლიოთეკის ფოიეში მოეწყო ნორჩ მხატვართა ნახატების გამოფენა.

ახალგაზრდული განყოფილების ორგანიზებით, ქალაქ ფოთის მუნიციპალიტეტის მხარდაჭერით ცენტრალურ პარკში ქვის სკამების მოიხატა, მხატვარ სერგო ხაზალიას მეშვეობით.

18 ივნისს, ახალგაზრდული განყოფილების და მერის მრჩევლის ნინო გვასალიას ორგანიზებით ქალაქ ფოთის მუნიციპალიტეტის სხდომათა დარბაზში, პროექტის „საზოგადოების ჩართულობაზე ორიენტირებული თვითმმართველობის განხორციელება ქალაქ ფოთსა და აბაშის მუნიციპალიტეტებში“ ფარგლებში ევროკავშირის საგრანტო კონკურსის EU4Culture პირველი ეტაპისთვის გაიმართა ვორქშოფი კულტურის სფეროს წარმომადგენლებისთვის. ვორქშოფის ჩასატარებლად მოწვეული იყო ექსპერტი ლევან მუავანაძე.

ვორქშოპს ესწრებოდნენ მერიაში შექმნილი საინვესტიციო ჯგუფის წევრები, საკრებულოსა და ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდული საქმეთა სამსახურის და კულტურის სფეროს ა(ა)იპების წარმომადგენლები.

EU4Culture ევროკავშირის მიერ დაფინანსებული ოთხწლიანი პროექტია, რომელიც მიზნად ისახავს აღმოსავლეთ პარტნიორობის ქვეყნებში კულტურისა და შემოქმედებითი სექტორის მხარდაჭერას. პროექტს ახორციელებენ გოეთეს ინსტიტუტი (წამყვანი პარტნიორი), დანიის კულტურის ინსტიტუტი, ჩეხეთის ცენტრები და საქართველოს ფრანგული ინსტიტუტი.

20 ივნისს ახალგაზრდული განყოფილების ორგანიზებით ჯომარდობის დღესასწაულში მონაწილეობა მიიღო ფოთელმა 18 წლიდან 29 წლამდე 50 ახალგაზრდამ. ჯომარდობის დღესასწაული გაიმართა თბილისთან ახლოს, დაბა ფასანაურში. საჯომარდო 8 კილომეტრიანი მარშრუტი იწყება ფასანაურში და მიუყვება მდინარე არაგვის ულამაზეს ხეობას და სრულდება სოფელ ჭართალში. დღესასწაულში მონაწილეობდა 150 გუნდი, მათ შორის ფოთის გუნდი გავიდა მეორე საპრიზო ადგილას და დაიმსახურა ფულადი ჯილდო და სიგელი.

26 ივნისს ქალაქ ფოთის მუნიციპალიტეტის მერიის სხდომათა დარბაზში ფოთელი ახალგაზრდებისთვის ონლაინ-საკონსულტაციო სემინარი გაიმართა, თემაზე - პეტიცია, პეტიციის შედგენა, ელექტრონული პეტიცია. სემინარის ორგანიზატორები იყვნენ ახალგაზრდობის საქმეთა განყოფილება და ინოვაციების დაცვლილებების ინსტიტუტი (ICI).

პროექტს „საზოგადოების ჩართულობაზე ორიენტირებული თვითმმართველობის განხორციელება ქალაქ ფოთსა და აბაშის მუნიციპალიტეტებში“ ახორციელებს ქალაქ ფოთის მუნიციპალიტეტის მერია აბაშის მუნიპალიტეტთან, ახალგაზრდულ სათათბიროსა (SYC) და ინოვაციების და ცვლილებების ინსტიტუტთან (ICI) ერთად. პროექტი დაფინანსებულია ევროკავშირის მიერ.

სემინარს გაუმდვა პროექტის პარტნიორი ორგანიზაციის „ICI“ წარმომადგენელი, ოთარ რევიშვილი.

7 ივლისს მაღლაკის ზღვის სანაპიროზე ახალგაზრდული განყოფილების, ა(ა)იპ სპორტისა და ტურიზმის ცენტრის და მოსწავლე-ახალგაზრდობის ცენტრის ორგანიზებით გაიმართა კონცერტი სტუდიების „ანა ბანა“ და „მზის გული“ მონაწილეობით.

8 ივლისს - მაღლაკის ზღვის სანაპიროზე ახალგაზრდული განყოფილების, ა(ა)იპ სპორტისა და ტურიზმის ცენტრის და ფოლკლორის ცენტრის ორგანიზებით გაიმართა ფოლკლორული კონცერტი.

9 ივლისს მაღლაკის ზღვის სანაპიროზე ახალგაზრდული განყოფილების, ა(ა)იპ სპორტისა და ტურიზმის ცენტრის და მოსწავლე-ახალგაზრდობის ცენტრის ორგანიზებით გაიმართა კონცერტი სტუდია „ენკი ბენკი და მელოდია“ -ს მონაწილეობით.

10 ივლისს საქართველოს სტუდენტური პარლამენტის და შპს „აი სიი იუ ქეფ“ ორგანიზებით და ქალაქ ფოთის მუნიციპალიტეტის მხარდაჭერით ახალგაზრდულ ღონისძიებაში „ქართული კულტურის დღეები მესტია-2021“ მონაწილეობა მიიღო 5 ფოთელმა ახალგაზრდამ. ღონისძიების მონაწილეები 4 დღის განმავლობაში იმყოფებოდნენ ბანაკში, სადაც იმართებოდა სხვადასხვა კულტურული, საგანმანათლებლო და სპორტული ღონისძიებები.

13 ივლისს ქალაქ ფოთში, მარტოწყალას ტბაზე ახალგაზრდული შეხვედრა გაიმართა. შეხვედრას დაესწრნენ ადგილობრივი ხელისუფლების წარმომადგენლები, სახელმწიფო რწმუნებული გიორგი გუგუჩია და სახელმწიფო რწმუნებულის მოადგილე, ნინო ვიბლიანი, სამეცნიერო-ზემო სვანეთის რეგიონის ახალგაზრდებთან ერთად. ახალგაზრდულმა განყოფილებამ უზრუნველყო ახალგაზრდული კონცერტი ჯგუფ „აიდი“ მონაწილეობით.

14-15 ივლისს მონაწილეობა მივიღეთ ქალაქ კონფერენციაში „ახალგაზრდული საქმიანობის დღის წესრიგი 2025“. ორი დღის მანძილზე კონფერენციაში ჩართული ახალგაზრდული სფეროსა და ახალგაზრდული საქმიანობის სხვადასხვა აქტორები დეტალურად გავეცანით ბონის პროცესს და ერთობლივად შევიმუშავეთ სამოქმედო გეგმა თუ როგორ აისახება ბონის დეკლარაცია „სახელმწიფო ახალგაზრდული სტრატეგია 2025“-ის სამოქმედო გეგმაში.

კონფერენცია საქართველოს ახალგაზრდობის სააგენტოს და საქართველოს ახალგაზრდულ მუშაკთა ასოციაციასთან ერთად, ევროკავშირის ტექნიკური მხარდაჭერის პროექტის „განათლება დასაქმებისთვის“ (Skills4Jobs) ფარგლებში და გაეროს სააგენტოებთან თანამშრომლობით დაორგანიზდა. . კონფერენცია მიმდინარეობდა საქართველოს ეროვნულ უნივერსიტეტში სეუ-ში.

21-22 ივლისს ჩატარდა ონლაინ შეხვედრა ახალგაზრდობის სააგენტოსთან „რეკრეაციული ახალგაზრდული საქმიანობისა და ბანაკების სტანდარტების“ შესახებ.

საქართველოს 64 მუნიციპალიტეტის და 10 სამხარეო რწმუნებულის ადმინისტრაციის წარმომადგენლები ერთ შეხვედრაზე, საბანაკე სერვისების ეროვნული სტანდარტის ჩარჩო დოკუმენტის შემუშავების პროცესში ჩასართავად გაერთიანდა.

შეხვედრაზე ექსპერტებმა მონაწილეებს გააცნეს რეკრეაციული ახალგაზრდული საქმიანობისა და ბანაკების ეროვნული სტანდარტის რეფორმის ხედვები და მიზნები, აგრეთვე ისაუბრეს მისი განხორციელების გზებზე.

შეხვედრის მეორე ნაწილი კი საბანაკე სერვისების დაგეგმვა-განხორციელების შესახებ რეკომენდაციების გაზიარებას დაეთმო.

მუშაობა დაიწყო რეკრეაციული ახალგაზრდული საქმიანობისა და საბანაკე სერვისების ეროვნული სტანდარტის ჩარჩო დოკუმენტის შემუშავებაზე, რასაც მონაწილეობრივად, დაინტერესებული მხარეების ჩართულობით ხორციელდება. აღნიშნული პროცესი მიზნად ისახავს ქვეყანაში უსაფრთხო, ხარისხიანი და საგანმანათლებლო რეკრეაციული ახალგაზრდული საქმიანობისა და საბანაკე სერვისების განვითარების ხელშეწყობას. დაიგეგმა შემდეგი საქმიანი შეხვედრები და სამომავლო გეგმები.

11-13 აგვისტოს დაგეგმილი სამეცნიერო-ზემო სვანეთის რეგიონალური ფოთის „კიბერთამაშების ფესტივალი“ და ახალგაზრდობის საერთაშორისო დღესთან დაკავშირებული ღონისძიებები გართულებული კოვიდეპიდემიის შედეგად ვერ ჩატარდა.

ქალაქ ფოთის მუნიციპალიტეტის მერიის კულტურის,
განათლების, ძეგლთა დაცვის, სპორტისა
და ახალგაზრდულ საქმეთა სამსახურის უფროსი

